

## Cylchlythyr Gwanwyn 2010 Cymunedau yn Gyntaf

Er bod y calendr yn dweud wrthym fod y gwanwyn ar gyrraedd, dim ond yn yr ychydig ddyddiau diwethaf y mae wedi teimlo'n debyg i hynny eleni. Os ydych chi, fel ni, yn edrych ymlaen at fedru mynd o gwmpas heb orfod poeni gormod am orfod gwisgo'n gynnes rhag tywydd gwaethaf y gaeaf, dewch draw i ymuno â ni yn rhai o'r digwyddiadau sydd gennym ar y gweill ar gyfer yr ychydig fisoedd nesaf.

Dathlodd Tîm Cymunedau yn Gyntaf Canol Tref Castell Nedd ei ail ben-blwydd ym mis Chwefror. Un o agweddau sy'n rhoi mwyaf o bleser wrth drefnu gweithgareddau cymunedol yw'r nifer o ymweliadau dychwel a wnaiff llawer ohonoch i'n digwyddiadau. Roedd yn wych gweld cynifer ohonoch yn Ogorf Siôn Corn yng Ngwesty'r Castell ym mis Rhagfyr a oedd unwaith eto yn ganlyniad partneriaeth rhwng llawer o fusnesau yng nghanol y dref a gwirfoddolwyr cymunedol. Ymwelodd dros 300 o deuluoedd â Siôn Corn a mwynhau'r lletygarwch y medrodd ef a Siân Corn eu rhoi oherwydd y gefnogaeth a gawsom gan arbenigwyr adfywio St Modewns, Gwesty'r Castell, Marks & Spencer, Wilkinsons, Zoar's Ark a Chyngor Tref Castell Nedd.

Mae'n bwysig i ni beth yw eich barn am y lle rydych yn byw, yr hyn rydych yn ei hoffi a'r hyn yr hoffech ei newid. Ynghyd â Terry Harvey, Rheolwr Canol y Dref, byddwn yng Ngwesty'r Bluebell ar 27 EBRILL rhwng 8.30am a 10.30am fel y medrwn ganfod mwy am eich barn. Os ydych yn y cyffiniau, ymunwch â ni i gael sgwrs dros dishgled o de a thamaid o frechwast.

Bu Donna Roberts, ein gweithwraig datblygu, yn brysur yn helpu i drefnu Gŵyl Tref Castell Nedd a gynhelir ym mis MAI bob blwyddyn. Mae Gŵyl eleni rhwng dydd Iau 7 Mai a dydd Sadwrn 15 Mai, gyda Marchnad Gyfandirol yn Sgwâr Angel rhwng 7 a 9 Mai gan orffen gyda diwrnod hwyl i'r teulu ym Marchnad Dan-do Castell Nedd ac o amgylch. Ynghyd â Maureen Winter o RSVP, mae Donna wedi trefnu rhaglen lawn o ddigwyddiadau i'r holl deulu sy'n dod i'r digwyddiad Atgofion am y Rhyfel ddydd Iau 13 Mai. Bydd y bore yn llawn caneuon, straeon ac atgofion am flynyddoedd y rhyfel dros dishgled gyda bisgedi Anzac ac yn y prynhawn edrychwn ymlaen at arddangosfa o'r Lindy Hop gan yr arbenigwyr dawns proffesiynol Hoppin Mad, wrth baratoi ar gyfer y ddawns te a ddaw â gweithgareddau'r dydd i ben. Dewch draw i fwynhau'r adloniant a dod â rysetiau teulu gyda chi i'w rhannu gyda gweddill y gymuned. Cadwch lygad am fwy o wybodaeth ar bwy sy'n cymryd rhan a lle i gael tocynnau ar ein gwefan ac ar daflenni y byddwn yn eu dosbarthu maes o law.

Os daethoch i'r gweithdai teulu a gynhaliwyd yn y Ganolfan Gymunedol yn ystod yr Ŵyl Bwyd a Diod y llynedd, yna dewch draw ac ymuno yn y gweithdai teisennau bach a ffenestr siop ddydd Sadwrn 15 Mai. Gwnaeth nifer mor dda ohonoch ymuno â Donna, Maureen a'u gwirfoddolwyr y tro diwethaf fel y gwnaethom benderfynu wneud y cyfan eto. I bawb ohonoch sy'n well gennych fod yn yr awyr agored, bydd Organised Chaos yn trefnu Sgiliau Syrcas yn Sgwâr y Dref drwy gydol y dydd a byddant yn edrych am wirfoddolwyr parod i ymuno yn yr hwyl.

Rydym eisoes yn edrych ymlaen at gynllunio ein gweithgareddau ar gyfer Ŵyl Bwyd a Diod Castell Nedd ar 9 Hydref 2010. Os na fu modd i chi ddod draw'r llynedd ac yr hoffech gymryd rhan eleni, edrychwch ar at [www.neathfoodfestival.co.uk](http://www.neathfoodfestival.co.uk). Mae Gŵyl eleni yn argoeli bod yn fwy a gwell na'r llynedd a gobeithiwn gyhoeddi yn y dyfodol agos pwy fydd yn agor Gŵyl eleni.

Fel bob amser, os hoffech gymryd rhan yn unrhyw un o'n digwyddiadau yn cynnwys cyfarfodydd deufisol Partneriaeth Cymunedau yn Gyntaf Canol Tref Castell-nedd, cysylltwch â ni ar y rhif islaw neu ddod yn aelod o'n gwefan [www.neathtowncentre.co.uk](http://www.neathtowncentre.co.uk) Tel - 01639 640670



Llywodraeth Cynulliad Cymru  
Welsh Assembly Government



**communities first** cymunedau yn gyntaf

